

Այսպէս հանգուցեալ Դանիէլ վարդապետ Շահնազարեանցի կազմած ցուցակից դուրս աւելացել են այլ ևս 700 ձեռագիրք և ոչ մէկը պակասած չէ։ Առանց Վեհափառ Հայրապետի թոյլտուութեան ոչ միայն ձեռագիր դուրս տանել անհնար է, այլ և ոչ մի տող արտագրել որ և է ձեռագրից։ Գրադարանն այնպիսի հսկողութեան ներքոյ է, որ միայն յոյժ ճարպիկ անհաւատարիմ այցելուներից կարող է կորուստ ունենալ, որպիսիք էլ դժուար թէ պատահեն։ Իսկ պ. Կ. Նման անձանց հաղորդածներն ոչ թէ ճշմարտութեան, այլ կամ խմբագրութիւնքը սխալեցնելու և կամ Ս. Աթոռիս պատիւը շօշափելու և նորա մատենադարանին վնասելու ցանկութեան միայն վերաբերելի են։ Այդ պատիւն անբարեմտաց վայելելու միշտ տուած է։

Ա Զ Դ

Ըստ բարձու Հրամանի 'Նորին Սրբութեան Ալեհափառ Հայրապետի Լզգիս ծանուցանի թէ՝ այնոքիկ խնդրագիրք, որք մատուցեալք են 'Նորին Սրբութեան զկնի անցեալ օգոստոս ամսոյ՝ փան մուծանելոյ զանուանս խնդրատուացն յընդհանուր ցուցակ ուսուցչաց կամ ուսուցչուհեաց եկեղեցական—ծխական ուսումնարանաց Հայոց, մնալոց են առանց հետեանաց ցվերջ ներկայ ուսումնական ամի, քանզի յիշեալ խնդրատուք համաձայն հրահանգութեան 'Նորին Սրբութեան՝ տուեցելոյ թեմական Լուաճնորդաց՝ պարտ էին փութալ հասուցանել զխնդիրս իւրեանց առ 'Նորին Ալեհափառութիւնն ոչ անագան քան ց1ն յունիսի անցելոյ։